



**DARIPADA GRADUAN CARDIFF KEPADA TOKOH INDUSTRI:
PENGURUS EKSEKUTIF KUMPULAN LBS, TAN SRI IR (DR) LIM
HOCK SAN SAMPAI UCAPTAMA ALUMNI DI MAJLIS GRADUASI
UNITED KINGDOM**

Wales, United Kingdom, 21 Julai 2025 – Tan Sri Dato' Sri Ir. (Dr.) Lim Hock San, JP., Pengerusi Eksekutif Kumpulan LBS Bina Group Berhad ("LBS"), dan Presiden Persekutuan Persatuan Hokkien Malaysia, kembali dengan penuh kejayaan ke alma mater beliau, Cardiff University, United Kingdom, sebagai penceramah alumni yang disegani.

Menyampaikan ucapan yang penuh inspirasi pada hari terakhir majlis graduasi universiti tersebut, Tan Sri Lim berkongsi refleksi peribadi, pandangan kepemimpinan serta kata-kata semangat kepada para graduan, sekali gus mencipta detik yang membanggakan dan penuh makna dalam perjalanan beliau bermula dari seorang mahasiswa kepada tokoh terkemuka dalam industri, khususnya pembangunan hartanah.

Menamatkan pengajian pada tahun 1982 dengan Ijazah Kepujian Kelas Pertama dalam bidang Kejuruteraan Awam, beliau turut merangkul Tempat Kedua dalam Pertandingan anjuran British Steel Corporation bagi reka bentuk astaka stadium bola sepak menggunakan struktur keluli berongga. Bermula dari pencapaian awal tersebut, beliau mengorak langkah dalam dunia keusahawanan dengan penuh keberanian. Bermula daripada perniagaan pengangkutan lori yang sederhana, kini beliau terlibat secara langsung di dalam mengembangkan syarikat LBS yang telah merangkul pelbagai anugerah dan dikenali sebagai pembangunan perbandaran transformatif yang berteraskan komuniti.

"Kejayaan tidak datang bergolek," ujar Tan Sri Lim kepada para graduan. "Perjalanan kejayaan dipenuhi liku-liku cabaran, namun integriti, nilai murni serta ketabahan yang bakal membawa

anda lebih jauh ke hadapan. Apa yang dibina hari ini adalah penting, maka pupuklah ia dengan sebaik mungkin.”

Tan Sri Lim menyeru para graduan untuk melangkah ke masa hadapan dengan penuh keyakinan, empati, serta halatuju yang berpaksikan visi dan misi. “Di saat menelusuri fasa baharu kehidupan, sambutlah ketidaktentuan dengan keberanian. Dunia ini dahagakan idea, tenaga dan kepimpinan anda.”

Dinobatkan dengan lebih dari 100 anugerah dan pengiktirafan, Tan Sri turut telah dianugerahkan Ijazah Kehormat Doktor Pengurusan oleh UNITAR International University pada tahun 2023 sebagai penghargaan terhadap sumbangan beliau dalam pembangunan negara dan kecemerlangan kepimpinan. Beliau turut menyandang gelaran Profesor Adjung di universiti yang sama.

Cardiff University merakamkan setinggi-tinggi penghargaan kepada Tan Sri Lim atas ucapan beliau yang penuh inspirasi serta mengucapkan tahniah kepada para graduan kelas 2025 atas pencapaian penting ini.

~Tamat~